



中武  
612  
404



門七武  
編  
卷



重訂唐王靈先生外臺秘要方第四十卷目錄

蟲獸傷人及畜疾三十二門

熊虎傷人瘡方七首

辨蛇一首

禁蛇法三首

辟蛇法三首

蛇齧八方一十四首

蛇螫方六首

蛇毒方三首

青蜂蛇螫方二首

蝮蛇螫方一十首

外臺秘要

四十卷目錄

經餘



虺蛇螫方四首

衆蛇螫方七首

蜘蛛咬方六首

蜂螫方一十首

蜈蚣螫方八首

蠍螫方二十七首

蠅螫尿方二十二首

惡蛇方三首

麀螫方二十二首

射工方一十九首

溪毒方二十一首

沙蝨毒方六首

犬咬人方九首

狂犬咬人方二十二首

猪鬣人方二首

馬咋踏人方四首

剥死馬馬骨傷人方三首

馬骨所刺及馬血入舊瘡方八首

馬汗及毛入人瘡方六首

驢馬諸疾方三十一首

牛狗疾方六首

牛觚觸腸出方一首

油衣粘及松脂著人衣并蟲蝕醴醢法五首

唐王壽先生外臺秘要方第四十卷

宋朝散大夫守光祿卿直秘閣判登聞鼓院上護軍臣林億等上進

新安後學程衍道敬通父訂梓

熊虎傷人瘡方七首

肘後療熊虎爪牙所傷毒痛方

燒青布以熏瘡口毒即出仍煮葛根汁令濃以洗瘡

日十度并搗葛根為散煮葛汁以服方寸匕日五甚

者夜二文仲備急雜方小品刪繁古今錄驗並同千

云京本

又方

外臺... 嚼栗塗之姚方文仲備急古今錄驗千金同

又方

煮生鐵令有味以洗瘡姚方文仲備急古今錄驗千金同

又凡猛獸毒蟲皆受人禁氣今人將入山草中自宜先作

禁以防之可不俟備而後療也其經術云到山下先閉氣

三十五息所在山神將虎來到吾前乃存吾肺中有白帝

出收取虎兩目塞吾下部中乃吐肺氣上自通冠一山林

之上於是良久又閉氣三十五息兩手捻都監目作三步

步皆以右足在前乃止祝曰李耳李耳圖汝非李耳耶汝

盜黃帝之犬黃帝教我問汝汝答之云何畢便行一山虎

通按肺氣上自下疑有缺都監目有二一在魚際上近穿心被中一

走不可得見若卒逢之者因正而立大張左手五指側之

極勢跳手上下三度於跳中大喚咄曰虎北斗君使汝去

虎即走止宿亦先四向如此

雄黃

硫黃

紫石

右三物擣末以絳囊盛之帶以防用

本方無硫黃

集驗療熊虎傷人瘡方

取蒴藿一大把剉碎以水一升漬須臾取汁飲之餘

薄以敷瘡上

備急入山辟虎法

小臺必要

四十卷

二

經余

通按  
蝮竹蛇

燒牛角羊角虎不敢近人文仲肝後千金姚同出第八卷中  
辨蛇一首

肝後云惡蛇之類甚多而毒有差劇時四五月中青蝮蒼  
虺白頸大蜴六月中竹猗文蝮黑甲赤目黃口反鈎白蝮  
三角此皆蛇毒之猛烈者中人不卽療多死第一有禁第  
二則藥今凡俗知禁者少縱尋按師術已致困弊唯宜勤  
事諸藥但或輕經行草路何由皆齋方書則應備其至所製之  
藥并佩帶之自隨天下小物能使人空致性命者莫此之  
甚可不防慎之乎文仲備急同出第八卷中  
禁蛇法三首

崔氏禁蛇法

臨安傳

通按  
頭指第一節是  
蛇虎頭

有人被蛇螫者縱身不得自來但有報人至前使之  
坐間被螫何處卽面已地依左右馱指頭指內第一  
節曲文頭側上仍心想口暗誦曰

嚙蛇頭指望蛇鄉踏蛇足訖則放前人去待極  
遠然後緩放所掐處卽差

路安滿禁蛇法

五月五日從門東刺向南三步九跡四方取氣訖重  
向南方取氣卽切切誦後呪文四十九遍於後任所  
行用其遮吒呵迦吒僧禁吒嚙劍吒蛇毒死嚙劍嚴

通按  
刺向疑  
疑斜向  
三步疑  
卽馬步  
三步也  
九跡未  
詳

小臺必要

四十卷

三

經錄

通按  
此首是疑  
是轉背  
拍指二  
所疑是  
拍頭指  
一節並  
無名指  
一節也

蛇毒爛若欲誦呪時須在月建上立喚被螫人當前  
立定然後背足行七步仍頓足迴身向被螫人立指  
指二所如了乃誦呪七遍即放所患者歸可一炊爨  
放指目也若不解呪蛇致死乃放指目誦云吾庭前  
者木百尺無枝鳳皇在上資斯速出放汝去攝汝毒  
命寧收急急如律令出第五卷中

古今錄驗禁蛇醫方

高元海大李參軍送

呪曰某郡某縣里男女姓名年若干於某年月日時  
於某處為某色蛇螫某處陰呪云你是已功曹我是  
亥明府你若不攝毒吾當指你口閉氣隨想指蛇口

蛇口在食指第二節白肉際文以手大指甲指之各  
自以其手屈食指指之閉氣急指若螫右手右手指  
左手左手指螫當中兩手盡指急忘任放手腫處手  
刺去血即便差出第四十五卷中

辟蛇法三首

肘後姚氏仙人入山草法辟蛇之藥雖多唯以武都雄黃  
為上帶一塊占稱五兩於討間則諸蛇毒物莫之敢犯他  
人中者便摩以療之帶五帖黃丸良以凡有蜈蚣故也人  
入山伐船有大赤足蜈蚣置管中繫腰又有龜龜噉蛇帶  
其尾亦好鴉日喙彌佳禁法中亦有單行輕易者今疏其

通按  
龜龜即  
蜈蚣龜  
挾蛇龜  
鴉日喙  
未詳

數條然皆須受而後行不爾到山車口住立存五蛇一頭  
乃閉氣以物屈刺之因左迴兩步思作蜈蚣數千以衣身  
便行無所畏也張文仲備急同

集驗入山草辟眾蛇方

乾薑

生麝香

雄黃

右三味等分擣以小絳囊盛男左女右帶佩則蛇遊者  
辟人爲蛇所中便以療之如無麝香以射齒和帶之療  
諸毒良肘後千金文仲備急古  
錄驗同出第九卷中

千金療入山辟眾蛇方

當燒於羊角令煙出蛇則去矣肘後同出第  
二十六卷中

蛇齧人方一十四首

廣濟療毒蛇齧方

取慈孤草擣以薄之卽差其草似鷲尾者是大効出  
第五卷中

肘後蛇齧毒腫方

乾薑末敷之燥復易之備急文仲  
千金同

又方

灸齧處三五壯則毒不能行

又方

擣射齒塗腫上血出乃差備急文仲  
千金同

小臺必要

四十卷

五

經余言



又方

猪屎熬令焦末藍一把水三升煮取二升投屎攪和以洗之差

又仲療蛇嚙方

擣雄黃末以敷之日三四度差

又方

取梳裏垢如指大長二寸以尿和敷之

又方

灸梳使汗出以熨瘡口即驗備急千金同

又方

取雞屎二七枚燒作灰投酒服之差千金同

必効療蛇咬方

五月五日前七日即齋不得食飲酒肉五辛仍先向桑下覓菟葵先知處記之至五月五日中時先手摸桑木陰一遍仍著上摸索之訖即以口嚙取菟葵嚼使熟以唾塗手熟措令遍五月七日潔齋如後七日內亦不得洗手後有蛇蝎螫者以手摩之即差止

又方

燒桑刀麝香少許和刀上以烙嚙處令皮破即差

又方

通按菟葵即兔背大葵也

通按桑刀木詳

生蠶蛾陰乾為末傳敷嚙處孔中敷易之其蛾有生子者妙

又方

麝香

雄黃

半夏

巴豆

右四味等分為末傳敷之

又方

先以嚼塗咬處熟揉柔生大豆葉封之

蛇蟄方六首

肘後蛇螫人瘡已合而餘毒在肉中淫淫痛痒方

取大小蒜各一升合搗以熱湯淋取汁灌瘡中

崔氏療被蛇螫驗方

生椒 三兩

好豉 四兩

右二味以人唾和搗令熟用薄傷處須臾即差

又方

取獬豸蒜截兩頭著螫處一頭大作艾炷灸之如此即愈未愈更灸以差為度

又方

取狼牙草六月已前用葉已後用根生咬咀以葉裹焙火炮令熱用冷即易之

又方

按醋草末

小靈必更

四十卷

七

經餘居

取醋草熟搗以敷螫處仍將膩幘頭裹之數易其醋  
草似初生短嫩昔京本苗是

又方

取遠志嚼令碎以敷之并內一片子於所螫瘡處孔  
中數易之並出第五卷中

蛇毒方三首

救急療蛇毒方

雄黃

麝香

乾薑

右三味各等分搗研以蜜和為膏敷毒螫處良凡含中  
疑有蛇處取雄黃燒令氣散及蛇並走不佳

又方

取獨狼牙搗臘月豬脂和以敷毒上立差比京本

又方

取荆葉以袋盛薄瘡腫處即差止肘後同

青螫蛇螫方二首

小品療竹中青螫蛇螫人方

雄黃

乾薑

右二味各等分搗篩以射荷荷和之著小竹管中帶之行  
有急便用敷瘡傳蕪療諸蛇毒千金同肘後有麝香為三

肘後青螫蛇論此蛇正綠色喜綠木及竹上與竹木色一

通按  
獨狼牙  
即狼牙  
毒獨莖  
者

種人卒不覺若人入林中行脫能落頭背上然自不甚嚙  
人嚙人必死那可屢肆其毒此蛇無止極大者不過四五尺世人  
皆呼為青條蛇其尾二三寸色異者名煽尾最烈療之方  
破烏雞熱敷之

蝮蛇螫方一十首

肘後療蝮蛇螫人方

桂心 栝樓

右二味等分為末甲小竹筒密塞之以帶行卒為蝮蛇  
所螫即敷之此藥療諸蛇毒塞不密則氣歇不中用文同

又方

急掘地作坎以埋所螫處堅築其上毒則出土中須  
痛緩乃出徐徐以藥療之

又方

搗小蒜絞之飲其汁以滓封瘡上

又方

取猪耳中垢著傷瘡中當黃汁出差牛耳中垢亦可  
用之良

又方

嚼鹽噉瘡上訖灸三壯復嚼鹽噉上

備急療蝮蛇螫人方

燒蜈蚣末敷瘡上良肘後同

又方

蠟及蜜等分於鑊中消令和以無節竹筒著瘡上以  
蠟蜜灌竹筒令下入瘡中差無蜜唯蠟用之亦得

又方

急尿瘡中乃拔刀向日閉氣三步以刀掘地作小坑  
以熱湯沃坎中取泥作三九如梧子大服之取少泥  
塗瘡上肘後同

文仲療蝮蛇螫人方

細辛

雄黃

右二味等分以內瘡中日三四敷之傳兼療諸蛇及虎傷

瘡良

又云蝮蛇形不長頭扁口尖頭斑身赤文班亦有青黑色  
者人犯之頭腹貼相著是也東閩諸山甚多其毒最烈草  
行不可不慎之又有一種狀如蝮而短有四腳能跳來啣  
人東人呼為千歲蝮或中之必死然其嚙人畢即跳上林  
木作聲云研木研木者但管棺其判不救若云博叔博叔  
者猶可急療之吳音呼藥為叔故也

虺蛇螫方四首

古今錄驗療虺蛇毒方

搗葵根以敷之

肘後療虺蛇衆蛇螫人方

以頭垢敷瘡中張文仲備急同

又方

以兩刀於水中相摩良久飲其汁痛即止備急張文仲同

又方

搗葎草以敷之立愈神良

衆蛇螫方七首

集驗療衆蛇螫人方

取紫莧菜搗飲汁一升滓以少水和塗瘡上又搗瓜根以敷之肘後千金同

又方

取常思葉搗取汁飲一升以滓敷瘡上又以鬼目葉薄之止痛肘後云搗鬼針草敷上並出第九卷中

文仲療衆蛇螫方

嚼乾薑薄瘡上不過三四差又煮吳茱萸湯以漬瘡上立差集驗同

又方

搗生蓼絞汁飲之少少以滓薄瘡上又按藍青薄之

又方

擣大蒜塗之以少鹽豉合擣尤佳

傳急集驗古今錄驗同

又方

以繩縛瘡上一寸許卽毒氣不得走便令人以口啣所螫處取毒數啣去之毒盡卽不復痛口啣當小腫無苦狀傳急同

又云此衆蛇者非前件三種也謂赤蝮音黃領之類復常六七種不盡知其名水中黑色名公蠟山中一種亦相似並不聞螫人有鈎蛇尾如鈎能倒羣人獸入水後而食之又南方有吻蛇人忽傷之不死終身伺覓其主雖百人

中亦血來取之唯遠去百里乃免耳又有蛇長七八尺施毒中人必死卽削取胎施煮漬之便愈凡大蛇多是神不可妄殺之又額上有白色狀如王字者有靈或有角形者此是欲變爲龍也凡青蝮中人立死蝮中人一日死虺毒急於衆蛇不早療之多殘斷人手足藥不可以一法宜審按之並出第八卷中

蜘蛛咬方六首

廣濟療蜘蛛咬方

取生鐵衣以醋研取汁塗之肘後同

又蜘蛛咬作瘡頻療不差方

取蘿摩草搗如泥封之日一三傳毒化作膿膿出類著勿停

又方

棗葉

栢葉冬五月五日採陰乾

生鐵衣

晚蠶沙

右四味各等分搗散以生麻油和如泥先灸咬處塗之

差並出第五卷中

千金療蜘蛛咬人方

以烏麻油和胡粉如泥塗之乾則易之取差止肘後同出

第二十六卷中

備急療蜘蛛咬人方

取羊桃葉搗敷之立愈肘後同

又方

以蒜切作兩斷以措之又以蒜摩地取泥塗之交仲同並

出第八卷中

蜂螫方一十首

肘後療蜂螫人方

取人溺新者洗之差備急文仲必効刪繁同

又方

斫穀木取白汁塗之桑汁亦良備急文仲小品古今錄驗同



又方

煮蜂房洗之，又燒灰末，以骨和塗之。千金同。本方云燒羊角灰苦酒和塗之。

又方

刮齒垢塗之。備急文仲千金同。

千金治蜂螫方

蜜 五合

蠟 二兩

白脂 五合

右三味和煎如膏，候冷以塗之，甚良。一云，稍食之。

又方

以淳醋沃地取泥塗之。

又方

以尿泥塗之。

又方

取蛇皮以蜜塗之，炙令熱，以貼螫處，効。又以醬汁塗蛇皮炙，以封之，甚効。並出第二十六卷中。

必効療蜂螫方

搗青蒿封之，亦可嚼用之。肘後同。

又方

近用薄荷接貼之，大効。蜀中用驗。並出第六卷中。  
蜈蚣螫方八首

肘後療蜈蚣螫人方

割雞冠取血塗之差

備急文仲刪繁必効同

又方

嚼鹽塗之効又以鹽拭瘡上蜈蚣未遠不得去

備急小品

文仲古今錄驗同

又方

嚼大蒜蘇若小蒜蘇或桑白汁以塗之亦以蘇屨底土措之良小品備急文仲必効古今錄驗同

又方

援蛇衛草封之佳

通按此衍草味詳

備急療蜈蚣螫八方

援薑汁以漬之即差蜈蚣不甚齧人甚亦微殊輕於蜂當時小痛易歇脫為所中幸可依此療之藥家皆用赤足者今赤足者螫人乃痛於黃足者是其毒烈故也張文仲肘後同

又方

取屋中土以水和敷之小品同

崔氏療蜈蚣螫人方

趨雄雞令走以雞嘴氣阿之數易雞立差

張文仲療蜈蚣螫人方

小經必要

四十卷

左

經餘五

取錫炙令熱以熨之不越十度即差

出第十卷中

蠍螫人二十七首

廣濟療蠍螫毒方

搗蒜塗之崔氏備急同

又方

半夏以水研塗之亦止

又方

呪曰一名蒿枝一名薄之傍他籬落螫他婦兒毒氣急去不出他道你愚癡急急如律令並出第五卷中

集驗療蠍蟲螫人方

余身經遭此毒手指痛苦不可忍諸法療皆無效有人見令以冷水漬指亦漬手即不痛水微暖便痛即以冷水漬小暖即易之餘處冷水浸故布以搨之此實大驗用後仍急千金必効文仲同

又方

蠍有雄雌雄者止痛在一處雌者痛牽諸處若是雄者用井底泥敷之泥溫則易雌者用當屋及溝下泥塗之瓦若不值天雨可用新汲水從屋上淋下於下取泥敷之傳

又方

三季紀本缺  
版京本三  
字橫連  
刊永係補

畫地作十字取上土水服五分匕並出第一卷中

千金齋蠟毒方

取齒中殘飯敷之又以猪脂封之又以射蒲南封之

又方

礶砂和水塗上愈救急同

凡一切螫毒之物見必不得起惡心向之亦不得殺之若輒殺之於後必遭螫慎之慎之治亦難差

又方

嚼茱萸以封之立愈

又方

生烏頭末以醋和塗之良

崔氏療蠍螫人方

取人參嚼以敷痛處立差又以黃丹塗之差

又方

深削桂心醋磨塗之立定

又方

滴蠟燭熱脂於螫處三兩度易之並出第五卷中

備急齋蠍螫人方

蜀葵花 石榴花 艾心

右三味等八並以五月五日午時取陰乾合搗和水塗

螫處立定花取未開者張文仲同

又方

溫湯浸之肘後崔氏同

又方

按馬莧菜封之差肘後備急文仲同

又方

嚼乾薑塗之差肘後備急文仲同前出第八卷中

必効療蠍咬人方

溫酒以漬心又擣豉作餅如錢六貼螫處以艾灸七

又方

壯問被咬八云是物遣報云蠍螫即語云沒所苦

訖即私向一處翻一瓦還安舊勿使其人知廻更問  
差未遣報云差訖即痛止神効

古今錄驗療蠍螫人方

取苦李子人嚼以封之即差

又方

按蛇銜取汁以敷之傳

又方

以木椀率取此螫處即以木椀合之便差神驗不傳

又方

按鬼針草取汁敷之即差傳

又方

五月五日收菟葵熟搗以遍塗手至後日中時即然後洗手若有人被螫以手摩索應手即差

又禁蠍螫人法

呪曰繫胡計反梨乎俱尚蘇蘇訶於五月五日桑木正

北陰中菟葵日正午時先七步至菟葵此右膝著地立左膝手適取菟葵子適取著口中熟嚼吐著手內與五葉草菟葵等相和若無子直取二葉相和於手內左轉接之口陰誦前呪七遍一吐氣得一百八遍止所接葉令汁出深染手其葉還放置菟葵處起勿反

顧之一日一夜不得洗手亦不用點汗手內亦不得

人知作此法不得人見被螫者口問云何處即陰呪

七通偏男以左手摩螫處口云左去若由猶小瘡痛者男

插左手無名指第一節內側文頭陰呪插之女指以

右手指以右手摩螫處其菟葵私取移種於桑北五

葉草處處有之耳

又甄立言以此蠍毒陰蛇即非蜂蜈蚣之輩自有小小可

忍傳者有經一日一夜不可忍者京師偏饒此蟲通用諸藥

塗敷不能應時有效遂依角法以意用竹依作小角留一

節長三四寸孔徑四五分若指上可取細竹作之纔令搭

通按  
蠹音罪  
腹未詳  
異狀

得螫處指用大角角之氣漏不啣故角不厭大大即啣急  
差速作五四枚錯內熟煮取以角螫處冷即換初被螫先  
以針刺螫處出血然後角之熱畏傷肉以冷水暫浸角口  
二三分以角之此神驗不可以口啣入腹殺人甄公云  
灸即差以熱角啣之無火灸也並出第四十五卷中

蠹蝮尿方二十二首

千金療蠹蝮蟲尿人影便令人病其狀身中忽有處癢痛  
如芒刺亦如刺蟲所螫處後起細痞癩作聚如茱萸子狀  
四邊赤中央有白膿如黍粟亦令人皮肉急舉身惡寒壯  
熱劇者連起盡腰脇習也療之法初得之便磨犀角塗之

其毒瘰如火丹法紅以武德中六月得此病經五六日  
覺心悶不佳以他法療之不愈有友人教書地作蠹蝮形  
以刀細細畫取畫蠹蝮腸中上就中以唾和成泥塗之再塗  
即愈方知天下萬物相感難曉其由矣

又方

羚羊鬚燒灰臘月猪脂和以封之差

又療蠹蝮尿方

熟嚼梨葉以封之乾復易之

又方

取馬鞭草爛搗以封之乾復易差

廣濟療蠅蝮尿繞腰欲死方

取敗蒲扇煮汁塗之

又方

篇豆葉搗塗之

並出第十三卷中

深師療蠅蝮尿方

取鵲巢中土以苦酒和敷之

又方

以雞子和白礬敷之傳侵淫為廣以大蒜磨研書墨塗

之一方以胡粉塗之一方以猪膏塗之又燒蒲灰易

之並出第二十九卷中

通按  
百聖白  
十也

集驗療蠅蝮尿瘡方

燒鹿角搗末以苦酒和敷之傳已有汁者燒道邊弊蒲

蓆灰以敷之傳深師千金并翼文仲同

又方

槐白皮半斤

苦酒二升

右二味漬半日刮去瘡處以洗日五六遍末赤小豆和

苦酒敷之傳燥即易之小兒以水和敷之甚良千金并翼文仲深師

同

又方

嚼大麥以敷之日三千金同



又方

猪脂和薺巢中土敷之千金同並出第九卷中

千金翼療蠹蝮尿瘡方

取茱萸東引根下土以醋和塗之

又瘡表裏相當一名侵淫瘡方

取猪牙車骨年久者搥破燒令脂出及熱塗之千金同

又方

取棟木枝若皮燒灰敷之乾者以猪膏和敷并主小兒禿及諸惡瘡深師同出第二十四卷中

崔氏療蠹蝮尿瘡習習然黃水出者方

取韭搗取汁以塗之

又方

煮甘草湯洗之

又方

嚼桂塗之

又方

絞馬尿汁洗之

又方

嚼麻子塗之

又方

外... 卷... 三...

令患人於日裏立側近作沸湯微取以淋患人影令  
當所患瘡處六七變仍遣人熟嚼蒜以喫患人影中  
患處口中餘蒜氣即真喫患人瘡上愈並出第五卷  
救急蠟屨方

取鷲屎和醎醋塗之大良出第五卷中

惡蚝方三首

必效療惡蚝已洪腫者並差方

取棟木根并皮切一升以水三升和煎取二升適寒  
溫浸洗瘡冷即易再三差

又惡蚝已洪腫爛者方

通按  
此論多  
缺文情  
無肘後  
可對

乾薑

水銀

猪脂

臘月  
者佳

右三味揉令相得即置九向碗中燒以竹筒籠上熏所  
腫處未熏先破兩處然後熏即差

又方

取胡葱於燂火中煨令軟取出以紙隔手按令破以  
搗瘡上以痛定為度李饒  
卷中夫多服神効並出第十六

薑螫方二首

肘後論云此蠱字作薑字所謂蜂薑作於懷袖賁音為之  
驚恐言其小而有毒起乎不意也世人呼蠅蚘為薑子而  
未嘗中人乃言不可螫人雷鳴乃放想亦當極有毒書家

小醫必要

四十卷

三

經餘

兩下紀本漫  
漚不鮮京  
本稍鮮似  
薑字

呼蠅蚌為守宮本草云守宮即是蜥蜴如東方朔言則兩  
種物矣今蜥蜴及蛇醫毋並不螫人蜥蜴有五色具者亦  
云是龍不可殺之令人震死今又有一小鳥蟲子尾有翹  
世人呼為甲蟲而尾似車緩兩尾復言此蟲是薑未詳其  
正矣

又療薑螫人方

搗常思草絞取汁以洗瘡出第八卷中

古今錄驗薑螫人方

取屋雷下土水和敷之立愈出第四十五卷中

射工毒方一十九首

備急論射工毒江南有此射工毒蟲一名短狐一名蠃當  
在山間水中人行反入水中此蟲口中有橫骨狀如角弩  
即以氣射人影則病其診法初得時或如傷寒或似中惡  
或口不能語或身體苦強或惡寒壯熱四肢拘急頭痛且  
可暮劇困者三日則齒間血出不療則死其人中有四種  
初覺即遍身視之其一種和正如黑子而皮繞四邊突赤以  
衣被犯之如芒刺狀其一種作瘡瘡久則穿陷其一種突  
起如石癰狀其一種如火灼人肉起作瘡此種最急能殺  
人居此毒之地天大雨時或逐行潦流入人家而射人又  
當養鵝鵝見即食之船行將純白鵝亦辟之白鴨亦善帶

好生金犀角麝香竝佳又若見身中有此四種瘡處便急  
療之方

急周繞遍去此瘡邊一寸輒灸一處百壯瘡上亦百  
壯大良肘後同

又療射工毒方

白雞屎白者二七枚以水湯和塗瘡土必効文仲後  
急千金胎後  
同竝出第九卷中

肘後初見此瘡便宜療之方

便水磨犀角塗之燥復塗亦取細屑和麝香塗之一  
方云服一方寸七

又方

以白梅皮異鼓母蟲吞至六七枚勿佳木方云取小  
蟲一枚置口中便差

通按  
陳藏器  
餘云正  
黑如大  
豆浮遊  
水上者  
是  
千金狀  
如大蜚  
生作狀  
如甲而  
然未詳  
為何物

又射工毒蟲正黑狀如大蜚生鬚髮而形有雌雄雄者口  
邊有兩橫角角能屈伸有一長角橫在口前弩檐臨其角  
端曲如上弩以氣為矢因水勢以射人人中之便不能語  
冬月竝在土中蟄其土雪不凝氣蒸休休然人有識處掘  
而取帶之溪邊行亦往往得此若中毒仍為屑與服夏月  
在水中則不可見乃言此蟲含沙射人影便病欲度水先  
以石投之則口邊角弩發矣若中此毒體覺不快視有瘡

處便療之療之亦不異於溪毒

又方

取皂莢一挺長一尺二寸者搥碎以苦酒一升煎如  
錫去滓敷毒上文仲備急同

又方

取馬齒莧搗飲汁一升滓以薄瘡上日四五遍過  
備急同

集驗療射工毒中人寒熱發瘡偏在一處有異於常方

取赤莧合莖葉搗絞取汁服一升日再三服千金備  
急文仲  
必効刪繁肘後同姚云服七合日四五服

又方

犀角

升麻

烏髮根各二兩

右三味以水四升煮取一升半去滓分再服相去一炊  
久盡更作千金同

又方

取生菜莧莖葉一虎口斷去前後取握中者熟搗以  
水二升煎取八合頓服之千金同

又療射工中人瘡有三種一種瘡正黑如壓子皮周遍悉  
赤或衣犯之如有刺痛一種作瘡瘡久則穿或脯間寒熱  
一種如火灼燥起此者最急數日殺人此病令人寒熱方

烏髮根 二兩 升麻 二兩

右二味切以水三升煮取一升適寒溫頓服之滓薄瘡

上册後千金文仲備急同古今錄驗云烏髮無根用葉

千金療射工初中未有瘡但憎寒凜凜及其成瘡似蠖螻

尿亦似療疽狀方

取芥子擣熟苦醋和厚塗瘡上半日痛便止古今錄驗同

又方

取狼牙葉冬取根枝擣之令熱薄所中處又飲四五

合汁

又云山中草木上石蛭平經切負勞也一作蛭音人則穿齧肌肉行人肉中浸淫

墳起方

灸斷其道即愈

又凡入山路行草木中常以臘月猪膏塗脚足指間跌上及著鞋處蛭不敢著人

又江南毒氣惡核似射工暴腫生瘡五香散方

甲香 犀角 屑 鼈甲 炙令 薰陸香

升麻 烏髮根 吳茱萸 沉香

丁香 各三分 黃連 羚羊角 屑 牡蠣 熬

甘草 炙 黃芩 各四分 黃蘗 六分

布十五味為散水服方寸七日三服又以雞子白和塗

青經 金作石 野生山 水陰濕 草小土 下同

上乾易之以水和少許洗土忌莧菜猪肉海藻出第二十六卷

救急療射工毒方

取葫蒜蘇切貼瘡灸七壯良

古今錄驗療射工中人已有瘡者方

取蜈蚣大者一枚炙擣末以苦酒蘇敷瘡上痛便止千金

同

溪毒方二一首

時後中溪毒論蘇東人呼作蘇駁切草氏云水毒中人一名中水一名中溪一名中灑一名水瘡以射工而無物其診法初得之惡寒頭

微痛目睚疼心中煩懊四肢振慄腰背骨節皆強筋急兩膝疼或翕翕而熱但欲睡旦醒暮劇手足逆冷至肘膝二三日則腹中生蟲食人下部肛中有瘡不痛不痒不令人覺視之乃知耳不即療過六七日下部膿潰蟲土食五藏熱盛煩毒注下不禁八九日良醫所不能療之覺得之急當早視下部若有瘡正赤如截肉者著為陽毒最急若瘡如蠡魚齒者為陰毒猶小緩要皆殺人不過二十日也欲知是中水當作敷斗湯以小蒜五升吹咀投湯中莫令太熱熱即無力去滓消息適寒温以浴若身體發赤斑文者是也其無者非也當作他病療之文仲千金翼備急同

又療中木毒方

取梅若桃葉搗絞取汁三升許為二服或乾以水絞

取汁極佳

集驗文仲備急千金同姚云小兒不能飲以汁敷乳頭與之

又方

取常思草搗絞汁三升飲之妙并以綿裹導下部中

日三差

文仲備急同

又方

搗藍青汁以少水和塗頭面遍身令匝

文仲千金翼備急同

又方

取蓼一把搗以酒一升和絞服之不過三服

文仲千金翼備急同

急三册後册利本葉

又方

取大莠連根

右一味搗作屑服之亦可投水搗絞汁飲一二升并導

下部生蟲者夏月常行多齋此屑欲入水浴先以少屑

投水上流便無所畏又辟射工家中雖以器盛水浴亦

常以此屑投水中大佳

文仲千金翼備急同

又今東閩諸山州縣人無不病溪毒每春月多得亦如京

都傷寒之狀呼為溪溫未必皆是射工輩爾亦盡患瘡痢

但寒熱煩疼不解便急耳方家察此用藥與傷寒溫疾頗



通按  
東方  
有欽文

相似今復疏其單療於此方

東向三兩步即禹以手左一攪取水將蒜一把熟擣以

酒漬之去滓可訖兩極當吐得吐便差此方甚効

備急療溪毒方

取五加根燒末以酒若漿服方寸匕肘後文仲備急

又方

燒鮫魚皮以飲服方寸匕立差

又方

荆葉擣汁飲之佳肘後同

千金不傳

又方

擣沫姑以塗之肘背諸處沫始生東間細葉如蒜狀

又方

自蒜一枚擣以酒和服半升得吐即差又名烏韭山中甚多

又若下部生瘡已決洞者方

取秣米一升鹽五升水一石煮作糜坐中即愈肘後文仲備急

同肘後並同

又方

取桃葉艾葉擣爛以水漬之絞取濃汁去滓著盤中坐有白蟲出差盆  
文仲備急同肘後云取桃皮葉無艾

通按  
腰背  
處上下  
有缺文

通按  
鮫魚即  
今沙魚

又方

燒皂莢搗末以綿裹導之

又方

以鹽和皂莢末搗之綿裹導之

又方

末牡丹屑以飲服方寸七日

又其土俗有療之術方

初覺便取溪蒜蒂<sup>蒂</sup>蒼桃葉剉一<sup>斛</sup>蒸使遍熱出布席

上解衣卧上厚覆衣破大汗良久出拭之勿見風則

差已五六日恐毒入腹不可<sup>先</sup>救爾應先服藥東間諸

通按  
海蒜埋  
櫃俱水

山有大木名埋檀枝葉上似梨冬不凋剝取白皮皮

重疊如紙搥破煮服一升日夜六七遍<sup>遍</sup>無生者預取

乾之亦單用<sup>清</sup>茜根白蘘荷根藍青汁並佳若卒無根

皮亦可單用藍汁可服之亦可都合煮取汁漬之若

患腹中痛恐轉成蠱噉人腹藏者取猪脂二升熬令

燥水一斗絞取汁稍稍服之<sup>血出第八卷中</sup>

千金療溪毒方

取大蒜十枚合皮安<sup>皮</sup>熱灰中炮令熱刃切斷頭以柱

所著毒處<sup>文仲備急崔氏方</sup>

又方

雄黃

朱砂

常山各等分

右三味五月五日午時使童子擣令之出第二十六卷中

張文仲療溪毒方

取蓼擣取汁服一二升又以塗周匝差

又方

取雄牛膝根一把擣水酒共一升漬絞取汁飲之日

三雄牛膝莖白紫色者是出第十卷中

沙蟲毒方六首

肘後中沙蟲毒論云山水間多有沙蟲其蟲甚細不可見人入水浴及汲水澡浴此蟲在水中著人及陰兩日行草

通按  
燥燥二  
字疑燥

中即著人便鑽入皮裏其診法初得之皮上正赤如小豆黍米粟粒以手摩赤上痛如刺過三日之後令人百節強疼痛寒熱赤上發瘡此蟲漸入至骨則殺人凡在山澗水澡浴畢熟以巾拭身中數過又以故帛拭之一過乃敷粉也今東間水無不有此洗浴畢以巾拭燥燥如甚毛針刺熟看見處仍以竹葉抄拂去之此此見嶺南人初有此者即以茅葉刮去乃小傷皮膚為佳仍仍乃數塗苦苣菜汁差已深者用針挑取得蟲子正如疥蟲著瓜上映光方見行動也挑不得便就上灸三四炷則遺死病除若止兩三處不能為害多處不可盡挑灸若猶覺惛惛是其已大深便應依

通按  
盜護如  
鳥長尾  
六字旋  
慎

土俗作方術出之并作諸藥湯以俗皆得一二升沙出沙  
出都盡乃止若無方術痛飲番酒取醉亦佳如其無則依  
此方為療并雜用前中溪毒射工法急救七日中宜差不  
爾則仍變成溪毒如薤葉大長四五寸初著腹脅腫如刺  
則破雞撮之蟲出食雞或三四數遍取盡乃止兼須服麝  
香犀角護其內作此療之彼土有中之者不少呼此病為  
呼呼故切沙蟲吳音名沙作盜護如鳥長尾盜者言此蟲能  
招呼溪氣東間山行無處不有其蟲著人肉不痛不即覺  
者久久便生子在人皮中稍攻人則為瘻山行宜竹管盛  
鹽數視體足見者以鹽塗之便脫雜少石灰尤良亦斷血

而辟水溫

又療沙蟲毒方

以少許射香傳瘡上過五日不差當用巴豆湯服之  
一日輒以巴豆一枚二日則二枚計為數并去皮心以  
水三升煮取一升盡服之未差即更可作服之文仲備急同

又方

斑猫二枚熬一枚研末服之燒一枚冷煙絕末著瘡  
中千金文仲備急同

又方

外臺必妥

四十卷

三

經餘居

取麝香大蒜合搗以羊脂和著筒中帶之行大良千金

刪繁療沙蟲方

以鹽鹽五合以水一斗煮一沸以漬洗瘡出第十卷中

必效療沙蟲方

初著有赤點如米以鹽鹽和麝香塗之差

犬咬人方九首

肘後犬咬人方

取籠中熱灰以粉上畢裹縛之千金同

又方

乾薑末服二方寸七薑汁服半升亦良

集驗療凡犬咬人方

以苦酒和灰塗之良千金同

千金療凡犬咬人方

燒犬尾灰敷之傳日二又燒自死蛇灰末敷瘡中

又方

桃東南枝白皮一握以水一升煮取五合服之

又方

菘若子七枚以水服之日一度差止

又方

梅子末以酒服之

又方

以臘月鼠一枚以猪脂煎如膏去滓候凝以塗之  
古今錄驗療凡犬咬人方

先以水洗瘡任血出勿止之洗勿住取血自止以帛  
裹之即差

狂犬咬人方二十二首

千金論曰凡春末夏初犬多發惡狂必誠小弱持杖預以  
防之而不免者莫出於灸百口之中無闕一日者方得免  
難若初見瘡若痛定即言平復者此最可畏大禍即至處

大金世  
說作銳

在且今凡狂犬咬人著訖即令人狂精神已別何以得知  
但看灸時一度穴下即覺心神中醒然方知咬已即狂是  
以深須知此此病至重世人皆輕之不以為意坐之死者  
每年常有之臣昔初學醫未以為業有人遭此將以問臣  
臣了不知報答以是經臣手而死者非一由此銳意學之  
一解以來療者皆愈方知世無良醫狂死者半此言匪虛  
故將來學者非必此法餘一方皆須沉思留作心意勤  
學之乃得通曉莫以粗解一兩種法即謂知說極自誤也  
因方申此一言言不盡意耳  
又療狂犬咬人方

夕臺秋要

蛇脯一枚去頭炙搗末服五分七日二

又方

服青布汁三升

又方

飲驢尿一二升良

又方

搗萹苕根和鹽鹽傳以敷之日三度

肘後療狗犬咬人方

先啣去惡血乃須炙瘡中十壯明日以去日灸一壯

滿百日乃止忌酒千金交仲備急小品古今錄驗同

又方

搗地榆根絞取汁塗療無生者可取乾者以水煮汁飲之過百日乃止亦傳日末服方寸匕日三兼敷瘡上千金同

又方

搗薤絞取汁敷之傳又服一升日三須瘡差乃止亦治已差復發者千金同

又方

以豆醬清塗瘡日三四差千金同

小品療狂犬咬人方

今本肘后無攷

通按千金難益也

小臺必要

四十卷

三七

經余書

外科秘要 卷之四 癩瘡

刮獾牙或虎牙骨末服方寸匕已發狂如獠犬者服此藥即愈肘後同

又方

頭髮狷皮燒碎灰末等分和水飲一盃若或已自赤口噤者可折齒灌之肘後千金同

又方

搗地黄汁飲之并塗瘡上過百日止肘後同

又衆瘡不差毒攻人煩亂喚已作犬聲者方通按喚音董多言動也

潤髓骨燒灰末以東流水和服方寸匕以活止凡狂大昨人七日輒應一發過三七日不發則免也要過

肘後自  
允目

百日乃為大免每至七日輒當搗薤一作汁飲二三

升又當終身禁食犬肉蠶蛹若食此發則不可救之瘡未差之間亦忌食生魚諸肥膩肉及諸冷食但於飯下蒸生魚及就臚器中食便發不宜飲酒能過一年乃佳

又若再發者療之方

生食蟾蜍臚絕良亦可燒炙食之不必令其人知初得嚙便為此則不發集驗文仲千金備急肘後同姚剝作臚吞蒜壘下也

又方

搗生薑汁一升以來服之佳

小醫必用 四十卷 經餘古



崔氏療狂犬咬人方

凡被狂犬咬即急嚼去血急吐之勿錯嚥之然後擣杏人和大蟲牙捻作餅子貼瘡上頓灸二七壯從此以後每日灸一兩壯貼杏人餅子灸之須要滿百日乃止百日內必莫使有瘡亦得狂狗咬人每至七日即合一發值至七日即須擣韭汁服一大合日再服之縱非至七日值一日兩日服一兩合大妙如冬月無可取韭根擣汁服之又三兩日取杏人一合擣碎熟研濾取汁和大蟲牙齒無牙齒骨亦可用熟煎取一大升汁又燒竹瀝一合

以和杏人酪汁更煎一兩沸分三服一日使盡又取所咬犬腦以塗瘡大佳取大蟲牙齒末或大蟲脂塗之便佳

又方

以大蟲骨灰和杏人膏以塗之甚良

救急療狂犬咬人無問深淺者方

初被咬便以冷水洗令血斷封裹著如其瘡大及深宜放流水中浸之血斷灸法封裹更不用餘裹忌風千萬不畏凡初被咬即覓一切物與喫後不發也

中八卷

必効療狂犬咬方

梔子皮

燒灰

石硫黃末

右二味搗為末敷瘡日一易救急同

又方

取蚯蚓糞水和之如泥以封之上有毛以毛盡即差

又方

驢屎汁飲一升即差

又方

杏仁

切去尖

豆豉

各一兩

韭根

一握淨洗

右三味搗為餅可瘡大小厚一二分貼咬處大作艾炷

以灸餅上熱徹即差

又方

虎骨

石灰

右二味以臘月猪脂和作餅子暴乾搗末以敷之良出並

第六卷中

猪鬃人方二首

千金療猪鬃人方

鍊松脂貼上

又方

屋霑中泥以敷之出第二十六卷中

通按  
昨音責  
臍也

馬咋踏人方四首

肘後療馬咋及踏人作瘡有毒腫熱疼痛方

灸瘡中及腫上即差

又方

取婦人月經敷之最良姚云神効

集驗療馬咋及踏人作瘡有毒腫熱疼痛方

割雞冠血點所醫瘡中日三若父馬用雌雞母馬用

雄雞肘後同

千金療馬咬人及踏人作瘡毒腫熱痛方

取馬鞭稍三尺鼠屎矢二七枚燒末以猪膏和塗之立

愈備急小品集驗必効古今錄驗同出第二十六卷中肘後云取馬鞭梢二寸

剥死馬馬骨傷人方三首

肘後療剥死馬馬骨傷人手毒攻欲死方

取死馬腹中尿以塗之即差集驗千金備急古今錄驗小品同

集驗療剥死馬馬骨傷人手毒攻欲死方

絞飲其矢汁燒末服方寸匕備急同出第九卷中

古今錄驗療剥死馬馬骨傷人手毒攻欲死方

服人尿汁出第四十五卷中

馬骨所刺及馬血入舊瘡方八首

肘後療馬骨所刺及馬血入舊瘡中毒痛欲死方

錄驗至  
京本缺

以熱桑灰汁更番漬之常日為之冷即易數日乃愈  
若痛止而腫不消煮炙石令熱以熨之灸瘡上亦佳  
集驗千金同

又方

搗麻子以水絞取汁飲一升日三服

又方

酒漬馬目毒公少少飲之

小品療馬骨所刺及馬血入攻人瘡中毒痛欲死方

人糞泥之又搗馬莧敷之出第十卷中

刪繁療馬骨刺人馬血入人瘡孔方

馬糞乾者止一物粉瘡孔上搗瘡口也

又方

雄黃 乾薑

右二味等分搗末內瘡口中即差

又方

大小蒜搗熬煖用敷瘡上

又方

以熱湯數淋瘡上即差並出第十卷中

馬汗及毛入人瘡中方六首

肘後療人體上先有瘡而乘馬馬汗及馬毛入瘡中或但

為馬氣所蒸皆致腫痛煩熱入腹則殺人方

燒馬鞭皮以猪膏和敷之傳備急千金集驗同

又方

以水漬瘡數易水漬之千金備急同

又方

以石灰敷上傳千金備急同

集驗療人先有瘡而乘馬馬汗若馬毛入瘡及拂鬃著致令腫痛方

大飲醇酒取醉即愈附後千金同出第八卷中

千金療馬汗入人瘡方

燒雞毛末以酒服方寸匕集驗同

又方

煮沸湯及熱以漬之冷復易之小品同出第二十六卷中

驢馬諸疾方三十一首

救急夫六畜之中唯馬最為貴致遠之勞賢愚所要或在戎漠或居村落忽患急黃黑汗等諸疾將息水草之宜人間之要次之君子所附卷末傳以意焉凡騎馬遠行初到先與空剉草刷畢飲水飲水畢然後與粟豆等若先與粟豆等或水穀并必致馬病也出第九卷中附後療馬熱蟲額黑汗鼻中有膿腔水草不進方

黃瓜樓根

貝母

桔梗

大青

梔子仁

吳藍

欬冬花

大黃

白鮮皮

黃芩

鬱金

各二兩

黃蘗

馬牙消

各四兩

右十三味搗篩患相當及常要啖重者藥三大兩地黃

半斤豉二合蔓菁油四合和合齋前啖至晚飼大効

又蟲頰重者方

葶藶子

一合熬令紫色

桑白皮

一大握

大棗

二十枚擘

右三味以水二升煮取一升去滓人葶藶合調勻適寒

溫灌口隔日又灌重者不過再差

又療馬脊脊方

黃丹敷之避風即差

又療馬羯骨脹方

取四十九隻羊蹄燒之熨骨上冷即易之如無羊蹄

楊柳枝指麤者炙熨之不論數差

又療馬後冷方

豉葱薑各一兩水五升煮取半和酒灌之

又療馬目暈方

霜後乾楮葉細為末日兩度管吹眼中差

又療馬疥方

大豆熬焦和生油麻搗敷之醋泔淨洗

又方

樗根末和油麻塗之先以皂莢水或泔淨洗之洗了塗令中間空少許放蟲出不得多塗恐瘡大

又方

巴豆去皮

膩粉

右二味研以油麻油和塗先洗之塗數日看更驗

備急療驢馬蟲類方

生地黄汁一

桑根白皮五兩

紫苑三兩

射干二兩

麻黃兩一

葱白斤一

蘇合二

蜜合一

右八味切以水一斗五升煮取八升去滓內麝香末

豆攪調作兩度灌之當灌每取早朝食時飲水三分與

一分至午時三分與二分至夜使足明日還依前法與

之其藥更加地黃及葱白蜜豉以水三五升煮取多少

依前加麝香少許自餘將息一依前法當灌時高舉頭

勿使藥汁射肺則藥汁不出斟酌藥入即不得用全高

每灌皆取一雞子汁分灌兩鼻孔中若氣力弱隔日灌

之若神強頻日灌之若輕者三兩度灌之即差灌後三

兩日伺候看鼻中膿絕噴斷即差如不斷用後法桑白

皮一斤細切以水三升煮取一升去滓每日灌鼻孔中

灌時入研麝香一豆大佳

又馬盪方

大黃

黃芩

鬱金

當歸

芍藥

紫菀

芎藭

白朮

牛膝

細辛

各一兩

右十味合搗末用湯調方寸匕以灌之

又療馬急黃黑汗方

割上

斷

取陳久靴爪

爪

頭水漬汁灌口如不足用大

黃當歸各一兩鹽半升以水三升煎取半分兩度灌

口如不定破開使骨縫血即止

出

附後同

又療馬起臥胞轉并腸結並用此方

細辛

防風

芍藥

各一兩

鹽

升

右四味切以水五升煮取二升半去滓分二度灌後

前灌方

芒硝

鬱金

寒水石

大青

各一兩

右四味切以水五升煮取二升去滓以油酒各半升和

調分二度灌口

附後同

又療馬心黃并肺熱方

大黃

黃芩

芍藥

細辛

各一兩

右四味切以水五升煮取二升半油半升酒半升調和



分爲三度灌口如不定鹽半升水一升半温如人肌和鹽灌後卽定

又春冬灌馬方

大黃 鬱金 黃芩 細辛

芍藥 桔梗 升麻 麻黃

大青 茵陳 白木 芒硝消

寒水石 朴硝消各一兩

右十四味搗爲散若春灌卽和雞子油量水多少攪調灌口若冬灌卽切以煎之訖冷和油及酒灌口

又療馬蟲額十年以上灌鼻一兩度無不差方

醬清和膽半合攪令調分兩度灌鼻每一灌停一兩日將息不得傷多多卽傷馬故錄之令知肘後同

又療馬蟲額方候馬鼻沫出梁腫起卽不可療

硃砂二酸素 豬脂臘月者二

右二味先研硃砂令極細爲末然後熬豬脂及硃砂煎

一沸停如人肌高仰馬鼻以灌之一炊久若患一鼻減

藥之半兩鼻患兩鼻中灌之一鼻患一鼻中灌之灌鼻

後一二日更有熏法如後黃芩子別搗藜蘆穀精草乾

膝葶藶子別搗各等分爲末相和以麻撚如燭燒一頭

內馬鼻中令煙入效仍仰馬頭令稍高

通按 猪膽牛 膽皆能 殺虫此 独云膽 疑猪牛 膽皆可 用也

又療馬驕脆轉欲死方

擣蒜內小便孔中深五寸立差又用小兒尿和水灌口立差

又方

騎走上坡用木腹下來去捺以手內大孔中揆却糞大効揆法剪却指甲以油塗手恐損破腸也肘後同

又方

但以鹽四升人尿和灌口

又方

擣蒜三升哺之小馬分半

又療馬患月冷方

取鬼微熱按搯之立差鬼微如地菌夏月得濕多聚生糞中見日消黑者是

又療馬食著地膽等蟲輒困脹悶立死方

取桑根入地一尺者去黃皮剉之以水煎取濃汁急灌口止毒勝甘草

又療馬嗽方

取麻子一斗飼之立定若腔及色焦與喫即光澤肘後同

又馬跗蹄方

連抄  
鬼微木  
詳

通按  
踵音起  
行不進  
也別方

於馬櫃下當馬前脚開一尺許掘渠深一尺許取石如雞子許大滿中填實令馬立其上兩日即差肘後同

又馬每月一兩度灌油鹽永不著黃方

以油一小升鹽一小合和以灌口瘦弱馬以意量之

又馬脊瘡方

取馬通汁及熱遍瘡上塗之

又療馬疥方

雲花草一兩狀如麻黃而堅實 靈黃二兩 附子一枚用蔡蘆二兩神效

右三味搗末生麻油和之以泔清皂莢洗之日中少時令水乾後然傳藥不過五六遍無不差韓五家盛談効驗

但苦不識雲花出第九卷十

又療馬筋瘡方

礪砂 藜蘆 槐子 葶藶子各半兩

熏黃 石硫黃 黃蘗 巴豆

烏麻各少許 蜜 猪膏各半兩

石十味搗為末蜜猪膏和藥如泥敷瘡方上

又方

取一杯酒酢并麥米等相和令調塗布上重裹上用麻纏經傳每敷先以鐵漿汁洗病拭乾塗藥日再差止

牛狗疾方六首

肘後療牛疫病方

取頰屎三升以沸湯淋取汁二升灌之良

又療牛馬六畜水穀疫病方

取酒和麝香少許和灌之

又療六畜奪瘡焦痂方

以麩糊封之即落

又療牛脹方

以猪脂和小兒屎灌口差

又療牛喫苜蓿草誤喫地膽蟲肚脹欲死方

以研大麻子灌口差吹生葱亦佳

救急療犬疥方

蛇皮燒灰和粥與喫差出第九卷中

牛舐觸腸出方一首

救急療牛舐觸腸出方

硃砂一大 乾薑二小

右二味為末塗損處腸即自入腸乾不入宜割去乾處

訖用粟穀葉為末以敷之即却入大良神妙出第九卷中

油衣粘及松脂著人衣蟲蝕種羈法五首

救急油衣粘法

以黃土泥水和如煎餅麩表裏塗之陰乾一宿以水

通安 粟穀葉 本草不 載惟葛 氏方療 能虎瓜 高爾粟 塗之疑 節分秋 直冥寒

也

外臺秘要

濯去之不粘也

又鵝被蟲蝕方

取吳茱萸搗末和麩作糊塗鵝面煎茱萸汁刷之其

蟲亦斷

又鵝被蟲蝕方

刈取黃蒿有子者暴乾鋪鋪中卷之令遍置閣上十

年不蝕

又松脂著人手足及衣袍禡洗不去法

以嚼杏仁洗之立去除采色衣物等著車脂及油膩

等米研煮作飲洗之即不損非紫碧絲去車脂粟以水洗之

蠟以密水洗之極驗

又方

煮水便和皂莢洗佳以酒洗亦佳以蜜和湯洗之平

復不損色並試有功雖是小事亦為切要以附之服

餌之末出第九卷中

以下無

熙寧二年五月二日准 中書劄子奉

聖旨鏤版施行

朝奉郎守國子博士同校正醫書騎都尉賜緋魚袋臣高保衡

朝奉郎守尚書屯田郎中同校正醫書騎都尉臣孫 奇

朝散大夫守光祿卿直秘閣判登聞鼓院上護軍臣林 億

外臺秘要

四十卷

卷之四

朝散右

諫議大夫叅知政事護

都開國侯食邑

一千一百戶賜紫金魚袋臣王安石

推忠佐理功臣正奉大夫行左諫議大夫叅知政事上柱國南

陽郡開國侯食邑一千戶賜紫金魚袋臣趙抃

推忠協謀同德守正亮節佐理翊戴功臣開府議同三司行尚書左僕射兼門下侍郎同中書

門下平章事兼資政殿大學士上柱國魯國公食邑二千五百戶食實封參同伯臣曾公亮

推忠協謀同德守正亮節佐理功臣開府儀同三司行尚書左僕射兼門下侍郎同中書

門下平章事昭文館大學士監修國史兼譯經潤文使上柱國鄭國公食邑一萬戶

食實封肆百戶

重訂唐王壽先生外臺秘要方第四十卷終

慶應二年丙寅八月一日讀了業廣

